



---

Kommunalbestyrelsi 28. april 2022 nal. 10:00

---

Kommune Qeqertalik Kommunalbestyrelsi  
08-2022

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA, sinniisussaq Aannguaq Rene Hansen peqataavoq
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqa	S
Frederiksen, Ole I.	S, sinniisussaq Marius Samuelsen peqataavoq

**Ataatsimiinnermi aqutsisoq:**

Ane Hansen, IA

**Allatsi:**

Kulunnguaq Reimer Olsen

**Ataatsimiinneq:**

Teamsikkut

**ULLORMUT OQALUUSERISASSAT**

<b>22-028 Ukiog 2021-mut naatsorsuutit, Kommune Qeqertalik .....</b>	<b>3</b>
ILISIMATITSISSUTIT .....	5
22-029 Taxanik naleqqussaannermik ilisimatitsineq.....	5
22-030 Borgmesterip kommunalbestyrelsi sinnerlugu aalajangeri pillugit ilisimatitsissut .....	7
ATAATSIMIINNEQ NAAVOQ: .....	8
ATSIORFISSAQ:.....	8

<b>Oqaluuserisaq</b>	<b>Oqaluuserisassat akuerineqarnerat</b>
----------------------	--

**Oqaaseqaatit:****AALAJANGERNEQ:**

Oqaluuserisassat akuerineqarput. Kristian Jeremiassen ataatsimiinnerup aallartinnerani peqataasinnaanani nalunaarpoq.
---

<b>Suliap nr.</b>	<b>22-028</b>	<b>Ilanng. Nr.</b>	<b>28</b>	<b>Journal nr.</b>	
<b>oqaluuserisaq</b>	<b>22-028 Ukioq 2021-mut naatsorsuutit, Kommune Qeqertalik</b>				

**EQIKKAANEQ:**

Ukioq 2021-mut naatsorsuutit naammassipput, Kommunalbestyrelsimut kommunillu kukkunersiuuinut tunniunneqarnissaminut piareerlutik.

**SULIAP SULIARINEQARNERA:**

Kommunit Namminersorlutik Oqartussat missingersuutaat naatsorsuutaallu pillugit inatsisartut inatsisaat nr. 26 28. november 2016-meersoq naapertorlugu INUA naatsorsuutininik kommunalbestyrelsimut saqqummiisussaavoq.

Naatsorsuutit kukkunersiuusumit misissuitaarneqassapput taannalu tunngavigalugu kukkunersiuinermi nalunaarusiaq tunniutissavaa. Kommunalbestyrelsip kukkunersiuinermut nalunaarusiaq ilanngullugu aamma tassunga INUA-p akissutaa tunngavigalugu 2021-imut naatsorsuutit inaarutaasumik akuerineqarsinnaangussapput.

2021-mi angusat 14,7 mio. kr.-nik amigartoorfiupput. Kommunalbestyrelse 10 mio. kr.-nik amigartoorfiusumik missingersuusiortoq. Taamaattumik angusat namminermi naammaginangillat.

Amigartoorutit naatsorsuutigisamit annertunerupput, inissiisarneq pillugu suliani qangarnisaanerusuni torersaasoqarsimanera pissutigalugu. Taassuma saniatigut Naalackersuisunit ukioq tamaat siusinaartumik pensionisialinnut utertitsiffiusumik missingersuusiortoqarpoq, utertitsineq 2021-mi juulip ulluisa aallaqqaataanni unippoq. 2019-imit 2020-mut sulianut inissiinermut tunngasunut aningaasartuuteqaqqinnerit kiisalu utertitsinermi aningaasat annaasat 19 mio. kr.-nik angusanut amigartoorfiusupput.

Ukioq 2021-mi aamma Aasianni inissiat 60-it sanaartorneqarnerat aallartisarneqarpoq. Naalackersuisut kommunilu suleqatigiillutik napasuliarsuarnik pingasunik sanaartortitsipput, taakkunani kommune napasuliarsuarnut marlunnut piginnittuavoq. Kommunimi sanaartukkat illuutinik ingerlatseqatigiiffimmit aamma taarsigassarsinikkut pivoq. Taassuma saniatigut Kangaatsiami atuarfik, utoqqaat najugaqarfii, najugaqarfii sananeqarput, Aasiannilu utoqqaat illuat allilerneqarluni kiisalu Qeqertarsuarmi sulisut inaat 2021-mi nanginneqarlutik. Taakkua sanaartukkat amerlanersaat 2022-mi naammassineqassapput.

**ANINGAASATIGUT KINGUNISSAI:**

Ukiumut naatsorsuutit inernera amingartoorfiuvoq -14,7 mio. koruunit. Aningaasat tigorianaanaat ukiup naanerani 26,7 mio. koruuniupput.

**INATSIT TUNNGAVIUSOQ :**

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq.
- Kommunit missingersuusiortarnerat, aningaasanik tigorianaanaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. Februar 2012-imeersoq.

**INASSUTEQAAT:**

Allattoqarfiup Ataatsimiititaliaq INUA-nut inassuteqaatugaa

- Naatsorsuutit 2021-mut tunngasut Kommunalbestyrelsimut kiisalu kukkuneriusiunut tunniunneqassasut.

**ILANNGUSSAT:**

Ilanngussaq 28-01 Ukiumut naatsorsuutit 2021

**AALAJANGERNEQ:**

Ataatsimiititaliaq Inua 20. April 2022 ataatsiinnerani aalajangerneq:

2021-imut naatsorsuutit kommunalbestyrelsimut ingerlateqqinneqartussatut aalajangiunneqarpoq.

**AALAJANGERNEQ:**

2021-imi naatsorsuutit kukkuneriusiunut ingerlateqqinneqarnissaat akuerineqarpoq.

**ILISIMATITSISSUTIT**

<b>Suliap normua</b>	<b>22-029</b>	<b>Ilanngussap normua</b>	<b>29</b>	<b>Journal nr.</b>	
<b>Sammisaq</b>	<b>22-029 Taxanik naleqqussaaneermik ilisimatitsineq</b>				

**EQIKKAANEQ:**

Kommunimi taxartitsinermit naleqqussaaneermik, kommunip malittarisassaanik akuerineqarnissaanik, atatitsinissamik imaluunniit atuutitsiunnaarnissamik periarfissaqartitsiunnaartoq ataatsimiititaliaq Inoqarfik ilisimatineqarpoq.

**SULIAP SAQQUMMIUNNEQARNERA:**

Nunatsinni taxartarnek, Kalaallit Nunaanni aqqusinikkut angallannermi inatsit malillugu, § 69 malinneqarpoq. Tamanna Danmarkimit allaffissornikkut ingerlanneqarluni, suliassaqarfik suli nunatsinnit suli akisussaaffigineqanngilaq. Aqqusinikkut angallannermi aalajangersaaneq naapertorlugu, taxarnermik malittarisassat Angallannermit ministerimit aalajangersarneqartarput.

*§ 69. Angallannermit ministerip, ilaatigut suliassaqarfiit pineqartut eqqarsaatigalugit nammineerluni, qamutininik motoorilinnik ulluinnarni inunnik inuussutissarsiuutigalugu angallassisarnermit maleruaqqusanik aalajangersaasinnaatitaavoq. Ilaatigut taxartitsinermit bussertitsinermilu akuersissutinik piumasaqarnermik, akuersissutiginermit amerlassusaanik killiliisnaaneermik taamatuttaaq akigititanut maleruagassanik aamma biilit qanoq aaqqissuuneqarneranut, atortulersorneqarneranut atorneqarneranullu maleruaqqusanik aalajangersaasinnaavoq.*

Aalajangersagaq malillugu Angallannermit ministeri malittarisassanik aalajangiussinngilaq. Kalaallit Nunaanni taxartarnermit malittarisassanik missingersuussiortussanik Namminersorlutik Oqartussanit, Kalaallit Nunaanni Politiinniit Danmarkimilu angallannermit ministeriaqarfimmiit ilaasortaatitaqartumik suleqatigiissitaliortoqartoq Kalaallit Nunaanni Politiit ilisimatitsippat. Tamanna qaqugu naammassineqassanersoq ilisimatitsissutigineqanngilaq.

Kommunit 2009-mi aqutsinikkut allanngortinneqanngikkallarmata, kommunini politiit maleruaqqusaanit tunngaveqartumit, Kalaallit Nunaanni taxarnermit maleruaqqusat kommuninit aalajangersarneqartarput. Kommunerusuunngortitsisoqarmalli taakku maleruaqqusat atuukkunnaarput. Tasamaattumillu kommunini taxarnermit naleqqussakkat atuukkunnaarlutik.

Taamaattumillu kommunini taxartitsinermit naleqqussaaneermik, kommunip taxartarnermit malittarisassaanik akuerisanik, atatitsinissamik imaluunniit atuutitsinermit periarfissaqarunnaarpoq, ilaatigut taxartitsinermit inuussutissarsiuuteqarnissamut akuersissuteqarnissamik, inniminniinarluni ingerlatsisunut ilanngunnissamut piumasaqarnissamut imaluunniit akuerisaasumik angallannermit atuisutut nalunaarsorsimanermit piumasaqarnissamut. Tamatuma saniatigut taxartitsinermit biilnut aaqqissuussinermit, atortulersornermit imaluunniit qamutininik motoorilinnut nalunaarsuinissamut immikkut ittumik Kalaallit Nunaanni Politiit piumasaqaateqarsinnaanngillat.

**ANINGAASATIGUT KINGUNISSAT:**

Soqanngilaq

**KINGUNISSAT:**

Kommunimi taxartitsinissamut nalimmassaasoqarnissaanik kommunimit aalajangersaasoqarsinnaanngilaq.

**INATSISITIGUT TUNNGAVISSAQ:**

- Inatsit pillugu nalunaarut nr. 995/2009 Kalaallit Nunaanni angallannermi inatsit

**SULIAP SULIARINEQARFIA:**

Kommunimi taxartitsinermut malittarisassanik tunngavissaqanngitsoq aalajangersaasoqassasorli ataatsimiititaliaq Inoqarfik, ataatsimiititaliaq Inua kommunalbestyrelsilu ilisimatinneqassapput.

**INASSUTEQAATIT:**

Atuuffia ataatsimiititaliaq Inoqarfimmut inassuteqassaaq:

- Ilisimatitsissut tusaatissatut tiguneqassasoq.
- Ilisimatitsissut ataatsimiititaliaq Inuamut kommunalbestyrelsimullu nassiunneqassasoq.

**ILANNGUSSAQ:**

Soqanngilaq

**AALAJANGERNEQ:**

Inoqarfik 8. Marts 2022 ataatsimiinnermi aalajangernera.

Ilisimatitsissut tusaatissatut tiguneqarpoq.

**AALAJANGERNEQ:**

Ataatsimiititaliaq Inua 20. April 2022 ataatsimiinnerani aalajangerneq:

Ilisimatitsissut tusaatissatut tiguneqarpoq.

**AALAJANGERNEQ:**

Ilisimatitsissut tusaatissatut tiguneqarpoq.

<b>Suliap nr.</b>	<b>22-030</b>	<b>Ilanngussap normua</b>	<b>30</b>	<b>Journal nr.</b>	
<b>Eqqartugaq</b>	<b>22-030 Borgmesterip kommunalbestyrelsi sinnerlugu aalajangeri pillugit ilisimatitsissut</b>				

Borgmesterip kommunalbestyrelsi sinnerlugu qaammat april 2022 aalajangeri :

Ulloq	Suna pillugu
1. april 2022	<b>Ataasiartumik imigassallernissamik qinnuteqaat (Niaqornaarsuk)</b>
20. april 2022	<b>Ataasiartumik imigassallersinnaanermut qinnuteqaat – Qimusseq 83 Kangaatsiaq</b>
21. april 2022	<b>Qassusersorluni inuussutissarsiuutugalugu qaleralinnik aalisarneq pillugu Kommune Qeqertaliup ileqqoreqqusaa</b>

Imigassaq pillugu Inatsisartut Inatsisaat nr. 35, 23. november 2017-imeersumi § 3 Imm. 4 naapertorlugu siulittaasoq ataasiaannartumik atuuttussamik akuersissuteqarsinnaavoq, Kalaallit Nunaanni Politiit akuersinerisigut.

Suliat saqqummiunneqarnerinut tunngasut ilanngussatut ilanngunneqarput.

#### **SULIAP SULIARINEQARFIA:**

Una Kommunalbestyrelsimut ilisimatitsissutaavoq.

#### **INASSUTEQAAT:**

Allattoqarfimmiit kommunalbestyrelsimut inassutigineqarpoq ilisimatitsissut tusaatissatut tiguneqassasoq.

#### **ILANNGUSSAT:**

Ilanngussaq 30-01 05-2022 01-04-2022 gl formandsbeslutning  
Ilanngussaq 30-02 06-2022 20-04-2022 gl Formandsbeslutning  
Ilanngussaq 30-03 07-2022 21-04-2022 gl Formandsbeslutning

#### **AALAJANGERNEQ:**

Ilisimatitsissut tusaatissatut tiguneqarpoq.
--

**ATAATSIMIINNEQ NAAVOQ: 11:08****ATSIORFISSAQ:**

Hansen, Ane

---

Lundblad, Frantz

---

Broberg, Bia A.

---

Hansen, Aannguaq Rene

---

Aronsen, Hans

---

Lundblad, Klaus

---

Kristensen, Niels

---

Larsen, Mariane S.

---

Heilmann, Simigaaq

---

Kristensen, Naja

---

Jeremiassen, Nikkulaat

---

Sandgreen, Enok

---

Samuelsen, Aqqa

---

Samuelsen, Marius

---